



許太常歸田稿卷三目錄

五言律詩

元夕喜李子至

幕府寺

祈澤寺壘前韻

山中答朱少府

送蕭子發歸省

黃李二兵部載酒山堂席上得詩二首

社前奉母氏奠亾妹新阡凄然作凡二首

客有贈竹床者余便其素而適也詩以謝

之

易軒詩贈李百戶

贈南岩道者

贈道林隱者

送王宗大周顯甫吳維時會試

送馬舉人會試  
送許德卿會試

元日喜雪

次王宮諭元日喜雪二首

玉泉子示小兒搏雪作浮屠之味次答一

首

送王元簡會試

蒼潤軒二首爲盛仲交賦

冬夜集邢殿講宅  
春日偕友人游牛首

祖堂訪海天上人  
崇因寺

羽伯病起見過有詩次韻

訪朱山人子元  
送羽伯赴闕

錢太常張大理携酒過訪

歲暮書懷  
酌酒與何祠部

立春日何祠部張憲察過訪

秋涵卷  
池中九島爲原白賦

九日抱病喜友人見過起飲菊畔

十日碧峰寺赴友人約

送羽伯赴蜀

送楊進卿

秋日懷陳九臯用往年游禹穴見贈韻

王宮諭輓詞二首 中秋對月二首

除日送朱文登赴棲霞寺問禪

送何祠部還松江四首

雪後飲邢內翰宅

初雪喜張憲察鄭山人見過

初春飲阮僉憲宅 寄山卷贈僧

夏日雜興八首 少川詩贈汪子

盧苑卿宅賞菊二首時有客饋主人酒者

寄李邑簿

陳叅議輓詩三首

謝方伯應午陳叅議羽伯張副使世鳴吾

鄉才士也相繼謝去藝林傷之余忝契

誼泣然賦詩凡二首

初雪和高二守 答趙太僕見懷四首

余以和太僕詩呈孫宗伯遂辱和章且索

余別報乃再賦奉答

送江車駕守廣信 送朱主客守九江

病起

秋熱

九月三日蟋蟀鳴於床下感而成詩

題邢太史園亭

邢太史新亭待月

邢太史方塘看月

栖霞寺

贈雲谷僧

弘濟寺

燕子磯

輓陳鶴

孫尚書輓詞四首

輓張符丞

送陳太守赴南雄

庚申除日

正月三日逢甲子占書云豐兆也喜而有

作

新年謝諸公見顧

趙通政別久再會喜極成詩四章用舊韻

三月九日雪二首

閒居詩答阮僉憲

述懷疊前韻

除夕書懷次王宮諭

正月十日雪

春日懷姚鴻臚

司馬憲副携酒見訪吳山人偶至同酌次

韻

再用韻謝司馬

射皮太守卒於九江余哀才人之不壽也

哭之以詩用往年贈行韻凡二首

夏至次康尚書齋居韻

今年植蓮四盆特製長檻圍之既而翠蓋  
森挺紅芳競開自遠而觀若出方沼亦  
可謂奇玩矣對之有作凡二首

萱花開有感

盆池乳鴨戲示諸童

喜王中白水部至席上贈詩二首

吳山人移居

庭中紫薇花盛開

咏庭中桃

人饋楊梅

喜晴

初伏

憶昔四首

花下候客

聞園中鶴唳

伏日大風雨

大風不止

乍晴苦熱

東冶壽詞二首

何祠部哀詩四首用往年贈歸韻

春日病起雜詩八首用舊韻

送陳時躍赴選

徐將軍過訪

夏日獨坐偶成用韻

五嶽詩五首

許太常歸田稿卷三目錄

終

許太常歸田稿卷三

上元許穀仲貽著

五言律詩

元夕喜李子至

枉駕虛庭夕開筵火樹紅三年杯重把一笑意  
無窮世路分通塞交情見始終看君霄漢羽應  
是隘寰中

幕府寺

郭外逢摩詰山中訪道林入門蒼蘚合繞逕白

雲深春淺花遲發風清鳥自吟坐談生滅理早  
動出塵心

祈澤寺壘前韻

冥搜情不極復此覓東林杳靄群峰暗縈紆衆  
壑深觀空憐幻迹眺迥發長吟共是抽簪客能  
無出世心

山中答朱少府二首

僻性真違世冥栖擬問仙獨行過野壑長嘯對  
江天豈有封侯骨能無負郭田年來頻洗耳喜

近鳳凰泉

有累難逃俗無營卽近仙閑吟桃葉渡長醉菊  
花天玄圃燒丹井仙鄉種杏田自矜投老地莫  
不勝平泉

送蕭子發歸省

久客憐吾子時來問隱淪昂藏占國器披豁見  
天真忽作旗亭別休辭酒盞頻亦知三賦就好  
去答楓宸

九日黃李二兵部載酒山堂席上得詩二



首

山館逢佳節仙郎載酒來言尋元亮逕同坐子  
陵臺惜景頻移席聽歌數舉杯白頭栖息處懷  
抱爲君開

二妙非凡吏交情久更親開尊泛萸菊卷幔對  
松筠戎馬傷心日雲霄報主身倘令高卧穩甘  
作灌園人

社前奉母氏出奠亡妹新阡淒然作凡二  
首

平生寡兄弟妹去竟何之獨坐柴桑里空懷柳  
絮詩靈山松葉秀新壠紙錢垂淚盡高堂血芳  
魂總不知

乍見纍然冢難禁涕橫流忍拋慈幄去獨向夜  
臺游漆室憂仍在班姑志未修同胞期白首遽  
意酌松楸

客有贈竹床者余便其素而造也詩以謝  
之

中歲倦行役端居惟欠伸匡床裁楚竹持贈意

何親蕭洒宜清簞輝皇謝錦茵自今高卧穩白  
眼看時人

易軒詩贈李百戶

削迹開軒牖談經解劒裝披圖識龍馬展卷到  
羲皇雲鳥分竒正乾坤有翁張際時看虎變不  
是學京房

贈南岩道者

服食南岩下輕身已近仙招邀雲外侶來往洞  
中天神鼎金將化丹臺籙已傳坐看生羽翮鶴

背躡蒼烟

贈道林隱者

冥栖含道氣高舉厭塵氛草閣依神嶠松窓對  
白雲庭栽千歲藥案列九仙文世路風波惡憐  
君總不聞

送王宗大周顯甫吳維時會試

佳士西江至翩翩三鳳皇彈冠趨魏闕立馬問  
柴桑射策龍樓下題名鴈塔傍此行同得意林  
壑有輝光

送馬舉人

卽向日邊去因過谷口來  
駐車逢朔雪走馬及  
春雷禁柳千枝吐宮花  
五色開臨軒同射策誰  
似馬卿才

送許德卿

有美吾宗彥名高擢桂林  
論文聊駐馬對酒一  
開襟彩筆凌雲賦青霄  
捧日心此行看濟世不  
獨羨冠簪

元日喜雪

凍雲吹不散元日雪彌天  
宇宙開新曆江湖慶  
有年亂飄南畝外故落  
草堂前歡劇尊仍綠山  
林好醉眠

次王宮諭元日喜雪二首

臘盡不飛雪今朝雲喜同  
飄空初若斷酒迥遂  
無窮映帙光逾淨堆崖  
勢倏崇履端占稔歲燮  
理荷群公

朔雪新年降寒雲四望同  
占年心獨喜作賦思  
先窮入樹花齊墜封階  
尺比崇柴桑車馬斷沉

醉任陶公

玉泉子示小兒搏雪作浮屠之咏次答一

首

積雪象層塔佳兒知淨因懸燈光上下影月勢  
嶙峋法界元無著寒山不惹塵無勞歌見現暫  
住大觀身

送王元簡會試

獻賦同時客高才獨晚成懸知躍馬地不負下  
帷情搖珮趨金殿鳴珂向玉京策勲殊未老莫

羨棄繻生

蒼潤軒二首爲盛仲交賦

聞道青雲客軒居接鳳城藏書皆玉軸作賦總  
金聲松牖塵應遠藜牀夢不驚興來盤薄處戲  
寫薜蘿情

地僻雲生浦林虛竹映軒烏皮留客坐貝葉與  
僧翻圖就推能品書成類法言神龍聊偃息不  
是愛丘樊

冬夜集邢殿講宅

學士開東閣登筵總故人閑庭松偃蓋永夜月  
鋪銀獸鼎焚香淨金卮送酒頻寧知飛雪候渾  
似對芳春

春日偕友人游牛首二首

初春逢二妙乘興躡雙峰法界丹青逼空門紺  
宇重風烟平盪目宇宙近填胷便欲尋仙去同  
携九節筇

天闕靈峰並雲門石磴遙層樓窺下界雙樹闕  
前朝谷靜鍾聲徹堂空塔影搖諸天行處近詎

止隔塵囂

祖堂訪海天上人話舊

駐馬投真境登堂謁惠休山空孤月冷榻淨片  
雲留自喜拋朱綬能無笑白頭迷津今已覺願  
上法王舟

崇因寺

秀壁垂蒼栢瑠臺映紫霞林虛含萬象室靜演  
三車寶地金爲粟祇園玉作花直須同結社應  
恨未辭家

羽伯病起見過有詩次韻

經時違舊侶獨坐惜芳春  
乍喜過蓬戶渾忘正  
葛巾餘花猶在眼濁酒可藏身  
乘興開滄滴休  
嫌阮籍貧

訪朱山人子元四首

共抱尋幽興言尋處士家  
竹溪流野水巖菊吐  
霜華石几王喬傳金鑑  
陸羽茶脩然坐終日  
真是隔喧譁

鄭子元栖谷龐公不入城  
我看浮世裏君有古

人情香稻流匙滑松醪出甕清  
相留聽詩句太  
半似陰鏗

不到幽人宅神驚三十秋  
相看俱皓首一咲且  
滄洲白石從教爛金丹  
詎可求醉來携驥子知  
爾百無憂

卜築知何歲鍾山只自青  
門前玄武澤天畔翠  
微亭靜夜聽猿嘯  
清秋數鶴翎自今思結隱敢  
負草堂靈

送羽伯赴闕二首

故里良朋少那看更送君冰霜初改令鴻鴈忽  
離群鳳闕看承寵龍樓待策勲長途有新詠莫  
不賦停雲

馳驅三十載踪跡半相同交比陳雷厚詩慙鮑  
謝工畏途元自險直道豈長窮君到亨衢上無  
忘太古風

錢太常張大理携酒過訪

稅駕盛明年藏身鷺渚前勞公敦宿好就我列  
芳筵鯽鱠雕盤出松醪翠竿傳淹留惟煮茗頻

汲鳳皇泉

同省復同年趨朝十載前不圖彭澤里得奉菊  
花筵美政容臺著陰功棘寺傳亦知台鼎近留  
醉向林泉

歲暮書懷

蹉跎過半百衰病莽相仍敢謂詩成癖渾將酒  
作朋踈慵真有過匡濟本無能欲訪三山去凡  
胎剩可憎

立春日何祠部張憲察過訪

殘歲逢蒼律人情向履端喜君停翠蓋過我試  
春盤砌近江梅白庭虛畫燭丹醉餘分手去晴  
月滿江干

酌酒與何祠部

早歲結朋歡飄零鬢已殘性疎難免謗才大亦  
辭官不去愁烽火頻過喜釣灘感時知有賦好  
寄草堂看

秋涵卷

八月吳江水微茫接遠天蛟龍波上動樓閣鏡

中懸岸迥搖新月川長帶夕烟獨憐千頃碧半  
落釣魚船

池中九島爲原白賦

磊落映漣漪蓬萊近可疑或云通九曲無乃近  
三危波色平侵麓峰陰倒入池亦知無虎豹隨  
意宿河湄

送羽伯赴蜀二首

江右同持節神驚十載前我今耕白下君復向  
西川搖落逢秋序踟躕對別筵策勲殊未晚守



道見高賢

西蜀稱天府才人攬轡游威連巫峽動恩帶錦  
江流暇飲宜城酒晴登白帝樓題詩懷杜甫倘  
過灤東頭

九日抱病喜友人見過起飲菊畔

藥餌妨登眺其如今節何誰知醉司馬翻作病  
維摩白酒甕頭熟黃花籬下多偶然來二妙強  
起一高歌

十日碧峰寺赴友人約

不共龍山飲還同鷲嶺來清尊元自好黃菊未  
應摧坐倚菩提樹行登般若臺身輕拋藥裹消  
滴爲君開

送楊進卿

佐牧新乘寵爲官舊有聲七閩停蓋近二水泛  
舟輕眺海鯨波息開軒荔子生遙知敷政處四  
境說廉平

秋日懷陳九臯二首用往年游禹穴見贈  
韻

東海游龍卧南江倦鳥歸浮名空紫綬真樂是  
荷衣避地書難達懷人思欲飛祗應披麗藻還  
似挹清輝  
海上緣何事烽烟獨未收別離空積歲搖落况  
逢秋聖世難忘戰將軍貴伐謀知君多武庫好  
應幕中求

王宮諭輓詞二首

跌宕蒙莊叟風流王子喬文成多變化魂去定  
逍遙蓮朶摧靈嶽奎躔墮碧霄旋乾空有意流  
恨滿清朝  
同榜稱才子豪雄本絕倫久懸梅鼎望遽邁井  
桑辰燕市青萍劍龍山白氎巾贈余齊出處宇  
內復何人

中秋對月二首

向夕陰雲散遙空朗月升應時呈皎潔回首謝  
炎蒸座上呼傾酒盤中出採菱良宵元足賞况  
乃歲云登

皓月分秋色偏宜照白頭勿云潘令室不及庾

公樓望去清光徹飛來灝氣浮醉攀庭桂立渾  
似廣寒游

除日送朱文登赴棲霞寺問禪

久別河陽縣新投惠遠家年光行處盡山色望  
中賒淨域看祇樹空門聽法華自今諸妄滅回  
首出洹沙

送何祠部還松江四首

海上妖氛息江東畫舸還去開新綠野喜見舊  
青山波靜鱸魚白田豐雉子斑呼尊邀故侶細

酌散愁顏

亂後尋鄉國驚心歲月賒草堂今有主喬木豈  
無家亭喚當年鶴林開往日花青門想無恙好  
種故侯瓜

江海元投分風塵各解官祗緣逢世難遂此洽  
朋歡酒熟邀同醉花開許共看時清歸棹促翻  
覺別離難

詞客旋車日江城罷鼓鼙白雲遙在望斑馬不  
停嘶歲序逢搖落壺觴惜解携懸知高卧處有

夢到青溪

初雪喜張憲察鄭山人見過

臘日初飛雪彤雲帶草堂沾林如點綴映戶有  
輝光幸遇高軒過况逢新酒香啣杯話來歲應  
是萬斯倉

雪後飲邢內翰宅

偶動山陰興來尋學士家平原接銀海高樹散  
瓊花浩思登樓發清懷對酒賒翻嗔陶秀實良  
夜只烹茶

初春飲阮僉憲宅

暫卧攀龍客新開待月亭地靈生異草簷迥納  
踈星靜學誰能及玄言自可聽留歡入清夜倒  
盡白銀瓶

寄山卷贈僧

芒屨游空界珍樓寄雪山不愁蒼嶼遠爲愛白  
雲閒洗鉢時過澗懸燈獨閉關傳聞愛真偈新  
向虎溪還

夏日雜興八首

歸田稿 卷三  
阜帽歸愚谷朱衣別漢宮一丘真窈窕三逕自  
玲瓏莫擬山中相真成林下風匡時非我等端  
合老江東

未夏晝長卧有時門不開山雲舒復卷梁燕去  
還來種豆皆成隴移花併作臺靜中無物役獨  
恠鬢毛催

流水通花逕間雲護竹房百年分顯晦四序任  
炎涼鼎內砂成鳥山前石化羊仙夫如可學泛  
海不愁長

舊闢藏春塢新成養鳥欄日烘蓮朶醉雨洒竹  
枝寒賢聖尊中辨升沉夢裏看能扶衰謝色多  
賴鹿皮冠

養生耽木食減景愛雲栖倚檻看魚躍穿林聽  
鳥啼舟虛人不怒境妙聖俱迷翻悔紆朱日勞  
勞逐馬蹄

婉孌東軒樹相看歲月深魚遊還故沼鹿卧自  
長林砥行慙攻玉流言畏鑠金聖朝多俊乂容  
我卸冠簪

開尊時獨坐擊劒復長歌避俗逢迎少書空感  
慨多浮名嫌太著僻性喜無他不及桐江叟平  
生一釣箠

久作山林客稀通政府書心踈九棘上與在一  
瓢餘國賦須寬假邊烽貴掃除旋乾有真宰不  
用涕漣如

少川詩贈汪子

靈派接東川承家羨少年水邊開竹戶石上覽  
帛編珠斗青宵映蒼龍白晝眠淵栖非爾志澤

物見高賢

盧苑卿宅賞菊二首時有客饋主人酒者  
秋圃看名花重過靖節家芳菲分五色爛熳吐  
千葩接坐忘軒冕頻來惜歲華白衣能送酒終  
宴不須賒

佳菊許多叢芳名不可窮分栽三逕外移向一  
亭中灌溉心應苦幽貞意本同年年叨盛賞談  
笑接群公

寄李邑簿二首

別去歲云久書來喜復驚  
亂離登仕路寥濶重  
交情道在身非拙心和政  
易成賢聲從此著鵲  
起見平生

莆中文獻地香尉暫停鞍  
爲佐花封政何辭柳  
下官遺書存夾漈麗藻說  
公權退食應懷古煩  
君次第看

陳叅議輓詩三首

別去書難達人來訃已傳  
哀禽啼隴樹逝水咽  
秦川零落匡時策淒涼  
出塞篇高山亡舊侶腸

斷伯牙絃

射策垂衣世論交弱冠時  
人皆憎直道我獨愛  
英詞努力追風雅高談舍  
晉隋藝林今寂寞從  
此罷談詩

纔停巫峽櫂復上隴西車  
山水增吟思風塵送  
歲華禦戎期樹績憂國竟  
忘家歸襯青萍在空  
爲壯士嗟

謝方伯應午陳叅議羽伯張副使世鳴吾  
鄉才士也相繼謝去藝林傷之余忝契

誼泫然賦詩凡二首

藝苑稱三俊年來一不存  
風塵憐並珮花月憶開尊  
美政留全陝高風滿白門  
英雄無下壽吾欲問乾坤

歲歲凋良友臨風涕不收  
如何天府客併作夜臺游  
堅白談猶在旂常志未酬  
因君懷往事轉覺此生浮

初雪和高貳守

朔雨接朝昏中宵雪滿門  
尋常成點綴頃刻異

寒溫聲慘梅花角威侵犢鼻禪  
曉憑高閣望容易失乾坤

壯風吹不止初雪陡生寒  
巷被晨猶擁窓書老不觀瑤山  
千疊暗玉樹萬花攢多病將停酒  
今宵醉且拚

答趙太僕見懷四首

自別青雲侶常栖白下門  
神龍從變化倦鳥息高騫  
對酒歌燕市聯鑣向掖垣  
舊游成夢寐高誼至今存



樊籠欣早脫菽水幸無違僻性時難合虛名衆  
不歸叔牙能掩過伯玉久知非亦是窮愁日其  
如著述稀

昔會是何地燕山三月春每看經世策常羨讀  
書人瑣闥曾披膽黃扉擬致身暫來兼吏隱魚  
鳥莫相親

望去三山阻書來一水便如何清廟客却贈白  
雲篇豐樂宜傾酒琅琊好問禪無因陪宦轍惆  
悵對江天

余以和太僕詩呈孫宗伯遂辱和章且索  
余別報乃再賦奉答

荷衣蘭作佩蓬巷席爲門自愛焦鵲卧都忘鳳  
鳥騫談玄紆道駕揮翰仰詞垣不遇南宮彥誰  
知古道存

附驥年真久投膠意不違三台看直上二水許  
先歸藝苑驅今古朝端定是非野人瞻望處卓  
爾似公稀

南曹多暇日結伴許尋春共羨調羹客能容抱

甕人鶯花頻寓目鉛槧動隨身不爲憐同調誰  
能晚更親

從宦才元劣栖山意獨便自知非大隱何敢辱  
高篇衰白遲聞道清羸蚤近禪所希萱幄健此  
外任蒼天

送江車駕出守廣信二首

江藩舊游地典郡借長才昔見安仁去今歌叔  
度來嘉禾秋自結外戶夜還開早晚徵良牧持  
衡入禁臺

斗酒對江城春風送客行天書新領郡循吏舊  
知名交誼綽袍重王程畫舫輕文通能賦別留  
贈若爲情

送朱主客守九江二首

賦是相如敵書將逸少鄰寰區真獨步少小幸  
相親郎署栖遲久專城拔擢新文章飭吏事雙  
羨屬才人

潯陽公事少君去暫停麾石耳堪調膳廬山好  
賦詩興同康樂遠政是潁川慈入相徵賢守東

歸田稿  
卷三  
京美在茲

病起

何物能爲鬱空庭倚杖行摘蔬過遠圃煮茗試  
新鐺似有休糧意元無列鼎情斷壘煎晝粥猶  
是舊書生

秋熱

長夏苦多雨秋來翻鬱蒸火雲終日起白露幾  
時凝不飲只如醉欲眠還屢興出塵嗟未得空  
憶雪山僧

九月三日蟋蟀鳴於牀下感而成詩

蟋蟀畏寒露來從床下鳴淒涼猶有韻微細亦  
含靈清夢宵頻斷流光老倍驚幽風歌塞向因  
見古人情

題邢太史園亭

地接三山勝林開十畝寬引流成曲沼疊石起  
層巒洞敞雲霞滿亭深紫翠攢預占還政日好  
作午橋看

邢太史新亭待月

待月芳亭上霜輪分外妍纔升碧漢外已映綠  
尊前梧影離離動峰陰故故偏相看清興發况  
對玉堂仙

邢太史方塘看月

呼酒芳塘畔貪看寶鏡光揚輝如白晝流影徹  
滄浪波靜魚龍伏城寒鼓角長醉餘分袂處霜  
露滿衣裳

栖霞寺

入寺高賢集探竒夙愿償深林愁虎豹斷碣認  
齊梁蘭若因山勝袈裟爲客忙主人多秀句題  
滿贊公房

贈雲谷僧

一室團茅蓋群山列座前曇花搖秀壁石蟬出  
寒泉燈照千枝樹雲飛百尺巔談玄揮玉麈渾  
似取經年

弘濟寺

近郭看江色臨崖坐佛宮舟航諸道接鍾鼓四  
天通野客非康樂山僧是懶融斜陽憑檻立魚

眼映波紅

燕子磯

出山遙策馬，眺迥復登臺。  
鍊鎖磯頭沒，牙樁天際來。  
洪濤驚復定，白鳥去仍迴。  
紀勝須能賦，相如有逸才。

輓陳鶴二首

覽勝重過此，游仙胡遽歸。  
江山誰點筆，朋舊各沾衣。  
幙向秦淮設，魂從越國飛。  
宵瞻少微度，應是失光輝。

可惜豪吟客，風流一旦收。  
題詩懷昨夜，歸櫂愴新秋。  
堅白談天口，兵戈避地謀。  
詞林如有傳，賦草定先求。

孫尚書輓詞四首

留都清散地，宗伯借才賢。  
豈謂游仙夢，俄臨報政年。  
江山題欲徧，霖雨望空懸。  
悵望群飛鳳，哀鳴下九天。

並是題名侶，談詩獨有公。  
栢梁開漢製，天寶盡唐風。  
志合交逾厚，才微調豈同。  
乾坤無大雅，搖

筆總雕虫

萬言傳首第八座擅芳名家盛躬恒約才高志  
靡盈調羨期已近詠鵬兆先成今日巖廊上能  
無愴聖情

不接南宮駕誰尋北郭生家童停掃逕慈母念  
分羨僻性勞容納頑才荷琢成山人不解慟於  
此倍沾纓

輓張符丞

相府生璠樹青春早見摧高名留藝苑秀質掩

泉臺塵世元誣善乾坤亦忌才遙知化鸞鶴仙  
嶠任徘徊

送陳太守赴南雄

芳聲滿縉紳先世本名臣幕府彈冠久專城拜  
命新辭家將換歲到郡恰行春能化殊方俗知  
君似昔人

庚申除日

春聲臘盡聞兩歲一宵分送酒椒花喜圍爐木  
火温慈顏元不老孫子漸成群俯仰資餘祿山

林荷聖君

正月三日逢甲子占書云豐兆也喜而有

作

元旬逢甲子自古說豐年吉識占今歲歡聲動  
普天禾知京共積室免罄同懸更想輸官後探  
囊剩酒錢

新年謝諸公見顧

台垣仰數公歲首到山中物候寒暄異交情顯  
晦同張筵無旨酒卷幔有和風坐久高言發憂

時總朴忠

趙通政別久再會喜極成詩四章用舊韻  
歲歲懷仙駕茲辰到華門山林成獨往霄漢喜  
高騫解帶穿蘿逕開尊對竹垣十年重握手所  
幸故吾存

自咲勲名淺休談始願違衣冠三殿隔舟楫五  
湖歸白髮甘衰老滄洲絕是非贈言存妙理知  
我似君稀

二月山城煖鶯花已報春豈知彭澤酒得對傳

巖人匡濟須雄略  
栖遲稱老身  
素交元合志  
窮達總相親

上卿過舊國  
吏隱暫相便  
遂使垂綸客  
重聆憂玉篇  
竒逢翻似夢  
玄論早通禪  
最喜今宵月  
啣杯共一天

三月九日雪二首

震雷喧昨夜  
密雪洒今朝  
頗恠寒威重  
都令淑氣消  
入林猶點綴  
近閣轉飄搖  
春服難禁冷  
呼兒索救貂

雨聲方瀝瀝  
雪片卽霏霏  
未惜春光去  
翻疑月令違  
過時傷麥隴  
盡日揜荆扉  
獨有兒童喜  
喧傳柳絮飛

閒居詩答阮僉憲四首

阮裕盛才名  
如何謝寵榮  
山前書屋敞  
江上釣船輕  
謝客塵蹤遠  
焚香道念清  
賢豪須濟世  
那得遂忘情

雨散雲容淨  
花深晝漏遲  
水流憑檻處  
山映捲簾時  
作吏心元赤  
還家髻未絲  
料君高卧好  
遣



與但裁詩

述懷疊前韻

真樂勝浮名投簪也自榮  
栖巖身較穩稅駕慮先輕  
舊園花枝滿新筍酒味清  
不知陶處士千古可同情

蟬聲藏樹暗花影度堦遲  
蕭散輸幽境清和喜夏時  
鼎茶烹雀舌盤菜煮蓴絲  
飽食無他事窓前改舊詩

除夕書懷次王宮諭

獻壽慈幃敞聽更蠟炬殘  
戶庭無長物丘壑有餘懽  
凍雪留萱徑條風轉藥欄  
翻思趨走地兩歲隔朝端

正月十日雪

一冬無雪片今日滿空來  
風急還成絮階暄不作堆  
未愁傷宿麥獨喜點疎梅  
病起無來客惟應對酒盃

司馬憲副携酒見訪吳山人偶至同酌次

韻

上客携尊至山翁步履來盍簪存友道搖筆見  
詩才徑僻莓苔長庭暄花蕊開芳春好拚醉未  
許獨醒回

再用韻謝司馬

合歡知有意命駕獨能來磊落慙高誼支離愧  
不才盤飧緣我設懷抱爲君開莫訝歸途晚銀  
鞍帶月回

春日懷姚鴻臚

萬里指前途三山別舊都入朝陪鷺序祝聖學

嵩呼彙進逢清世雄飛見丈夫揮毫對宮闕終  
日在蓬壺

射陂太守卒於九江余哀才人之不壽也  
哭之以詩用往年贈行韻凡二首

淮海迎雙鶴潯陽罷一麾郡藏張旭判人誦樂  
天詩絃絕悲音杳棠存識政慈龍蛇傳歲讖詎  
意應今茲

共擬台階逼俄將鬼朴隣草堂留翰墨藝苑失  
交親素舸浮江遠丹旌颺日新百年求大雅何

處起斯人

夏至次康尚書齋居韻

火極朱輪未林幽綠野清池荷深宿鷺院柳靜  
啼鶯屢喜南薰度時聞晝漏更莫愁炎赫甚凜  
冽自今生

赤氣愁臨節青山喜對余不陪方澤祀獨著茂  
陵書雨過雲峰亂螢飛草閣虛此時懷扈從羽  
衛正紛如

今年植蓮四盆特製長檻圍之旣而翠蓋

森挺紅芳競開自遠而觀若出方沼亦  
可謂竒玩矣對之有作凡二首

瓦沼列庭中花開上下紅爭妍如有意剪綵若  
爲工色比六郎媚香疑十里同卷簾賓不至宛  
在若耶東

長夏芳蓮色齊開玉女盆枝枝紅有暈朵朵淨  
無痕仙珮游塵界宮粧擁掖門更憐芳馥氣時  
撲孔融尊

萱花開有感

歲歲金萱色熒熒照北堂正臨三伏節每薦九  
霞觴天遠今何怙憂深獨未忘憑闌暗垂淚不  
是惜年芳

盆池乳鴨戲作示諸童

盆沼無多水能怡乳鴨情翩翩雙翮短蕩漾一  
身輕唼藻心偏遠揚波性已成兒童少機事相  
對不須驚

喜王中白水部至席上贈詩二首

江海一分袂頻驚歲月徂共傳游上國何意過

茅廬白髮真慙汝金丹好贈予坐深雄論發  
輒恐難如

官如何水部人是晉王喬卜歲憑玄象回生借  
藥苗國中爭識面江上暫停撓見說登升近雲  
門倘見招

吳山人移居

避兵栖白下徙舍更秦淮書在知家業詩成見  
客懷不嫌臨近市獨喜接茅齋靜夜還相訪披  
雲看泰階

庭中紫薇花盛開

木槿崇朝赤溪桃計日紅何如紫薇樹長照小  
庭東日蒸花爛熳月浸影玲瓏試問陪綸閣何  
如對野翁

咏庭中桃

舊植緋桃樹今年結實多葉深猶露色肌重半  
辭柯西海千年結東方三度過不知嘗玉液較  
此竟如何

人饋楊梅

楊家生此果五月亞枝紅色在朱纓上形將盧  
橘同薦新開寢廟入貢借炎風白首勞相贈流  
光感慨中

喜晴

滂沱曉不聞四望廓無雲盡掃陰沉色重開錦  
繡文平田消泛漲野老待耕耘喜極呼尊坐飛  
來鷺一群

初伏

此日逢初伏炎威太不禁茂林涼絕少高棟暑

歸田稿 卷三 三  
猶侵只喜心如水無勞口鑠金細君思割肉未  
解已抽簪

憶昔四首

憶昔魁春榜虛聲滿四方寵高唐甲第才愧漢  
賢良出入台衡近馳驅鬢髮蒼罷歸勞衆論踈  
劣正相當

憶昔留銓署權衡愧獨持擢英時出格叙吏只  
循資鑑設難逃象門開不受私歸來任刻畫清  
濁寸心知

憶昔分經試嚴更坐夜長披沙頻獲彩閱驥肯  
留良卽見頭顱改相期事業長如何廿年後太  
半謝鴛行

憶昔過名省叨稱視學臣士風先去泰文體盡  
還淳私室非桃李皇家是鳳麟寄言攀桂侶休  
念釣魚人

花下候客

獨坐苦無侶追歡邀故人花前頻洗盞柳外未  
停輪投漆情非淺烹葵意總真卽看紅蕊並渾

歸田稿 卷三  
似候嘉賓

聞園中鶴唳

小園雙鶴唳聲過草堂來  
遍響還如和長鳴  
不是哀若非沾沆瀣  
定是憶蓬萊  
獨恠匡牀近  
頻驚午夢回

伏日大風雨

宇內愁炎烈滂沱暗此辰  
風摧巖畔樹水沒澗  
之濱盡日喧銀竹  
長空蔽火輪  
憑高看浪影  
無乃接天津

大風不止

乍見茅同卷俄驚石共飛  
未同君子德疑是大  
王威披拂垂薰吹呼號  
慘化機蘭臺徵宋玉  
搦管詎能揮

乍晴苦熱

南州元下濕雨霽轉炎蒸  
青嶂疑生火金盤想  
賜冰逢人愁束帶流汗  
苦沾膺何事朱門客衝  
炎聚若蠅

東冶壽詞二首

歸田稿 卷三  
花甲報初週憐君尚黑頭辭官栖故國開宴及  
清秋樹瑞群栖鳳波閒靜狎鷗長生貴柔弱不  
是拙於謀

學道說同方驚心歲月長詩才伯玉健吏道太  
丘良竹翠開棊局花濃送酒觴何緣陪雅躅投  
老共徜徉

何祠部哀詩四首用往年贈歸韻

昔別已云遠茲遊竟不還舟藏移夜壑仙去入  
蓬山姿憶鸞皇秀文留錦繡斑美人難再得東

望一摧顏

亂定還鄉後空傳逸興賒彈棊開別墅聽曲聚  
詞家畫舫秋觀海金尊夜看花豈知生是寄未  
覓棗如瓜

大命猶相迫何嗟早罷官浮生如旦暮交誼集  
悲歡山水琴中斷雲霞卷裏看彌留呼驥子知  
爾割情難

堂已捐絲竹魂應念鼓鼙烟銷丹竈冷風慘白  
楊嘶寶劍誰能掛生芻客競携坐看雙鯉絕淚



歸田稿 卷三  
浦釣魚溪

春日病起雜詩八首用舊韻

有喜拋金匱無營守絳宮  
門閑花隱映山近石  
玲瓏返朴窮元始游神入閭  
風長安爲別久不  
省在西東

雨過苔堦滑雷鳴蟄牖開  
暖雲當戶起春色過  
江來山鵲喧松塢溪流接  
釣臺檻梅驚盡吐爲  
謝曉風催

導引聊祛病非關慕子房  
流年今老大生計舊

荒涼遠到慚騏驥  
卑栖學犬羊病餘尋舊圃  
抱甕是吾長

掃石安茶鼎綠階置藥欄  
雲歸松閣暝月照石  
牀寒芝草閑頻采陰符  
老倦看綸巾元自好不  
換鷓鴣冠

芳時偏抱病謝客且深栖  
堦柳迎風舞隣鷄上  
樹啼山光簾外落花朶  
望中迷藥餌扶吾在春  
游信馬啼

行憐芳草合坐愛野雲深  
僻性甘愚谷樗才愧

鄧林休稱三獻玉獨畏四知金奔走曾何補空  
餘雪滿簪

風定花仍落山空鳥亂歌幽居逢客少野興入  
春多浮世元難合踈腸詎有他龍江新水濶吾  
欲辦青箬

有興惟傾酒無聞不著書人皆嫌間寂吾獨羨  
羸餘訪道津初得觀空瘴已除箕山尋遠祖或  
者許由如

送陳時躍赴選

分袂及芳春鶯花送酒頻五雲瞻帝闕一水上  
天津雪案窮經久龍墀結綬新歸來看豹變先  
慰白頭親

徐將軍過訪

山中蕭散客惟有故人憐忽擁貔貅至先驚鷗  
鷺眠杯深花氣入坐久竹陰偏細看鷹揚意封  
侯可計年

夏日獨坐偶成用韻

竹葉清堪挹榴花紅可憐舒長南陸景自在北

窗眠鷗向波心浴鶯從谷口遷升沉吾不問恬  
淡或延年

五嶽詩

名山以五嶽爲尊蓋海內盡於五方五  
嶽則其巨鎮也有能陟其巔者下視他  
山特介丘耳昔人欲畢婚嫁而游五嶽  
無亦遐舉出塵之想乎余齒逼耆齡累  
糧未得每披山經輿志頗動昔人之思  
暇中想像成詩聊代卧游云

巖巖望不極神秀散氤氳海日升殘夜甘霖起  
寸雲寰區瞻處小齊魯近能分徃代登封迹猶  
傳玉簡文

峻壁炎方起靈臺赤帝居湘雲時吐納石室自  
清虛熒惑看疑近芙蓉畫不如傳聞敷土日此  
地得玄書

遙看蓮葉吐曾是巨靈開翠嶺三峰出黃河一  
線來仙人懸石卧神女駕龍迴欲作長生客金  
漿乞半杯

歸日利 卷三  
冀方元作鎮朔野獨標奇穴古靈蛇出泉香異  
草滋燕圭栽美璧殷女抱童姿水旱當年久崇  
高竟不虧

氣結乾坤秀靈居天地中群峰森上下二室敞  
西東澗走乘龍使林藏對奕翁虛岩呼聖壽聞  
與昔時同

許太常歸田稿卷二終

武林卓明卿澂甫校

